

УДАРНИК

ВКП(б)-лэн М-Пурга Райкомез-
лэн но Райисполкомлэн
органы
—(АДРЕС: М-Пурга УАССР)—

Сельскохозяйственной выставкалы дасяськонзэ кужмоятоно

Нырысетй августэ 1939 арын Москва дорын, Пушкинской селоын Всесоюзной сельскохозяйственной выставка усыйськоз. Выставкалэн значениез туж бадзым. Выставка возматоз социалистической сельской хозяйстволэз величайшой победаосэз, возматоз, кызы СССР-ысь вань калык'еслэн улонзы большевистской партилен но солэн гениальной вождезлэн Сталин эшлэн мудрой руководствозы улсын сясыкаське, кызы арысь аре колхоз'ес но совхоз'ес юнмало но асьсэлэсь продукциясэ успешно, кызы сясыкаське но вольме вань колхозник'еслэн зажиточной, радостной но культурной улонзы.

Выставка тшательно дасяськемын луыны кулэ. Одыгез но партийной но советской организациос выставкалы дасяськонзэ палэназ кылемын луыны кулэ өвёл. Местной партийной но советской организациос выставкалы дасяськон план'я колхоз'есын социалистической соревнованиез возглавлять карыны обязан луо. Колхоз'еслы но колхозник'еслы колхозной производствое трудлэсь стахановской метод'есэз внедрять карыны юрттоно.

Партийной но советской организациос ласянь выставкалэн значениез сярысь валэктон уж паськыт вёлдэмын луыны кулэ, чтобы азыланьын сельской хозяйстволэн вань отрасльёсаз вылэсь но бадзымесь победаос басытмын мед луозы. Котыкуд колхозник, колхозница вы тавкалэсь значениез умой мед валалоз, передовой стахановец'еслэн опыт'ессы вылын соос асьсэлэсь хозяйствозэс экономика ласянь мед юнматозы, чтобы эшшо умой но эшшо зажиточно улыны.

Всесоюзной сельскохозяйственной выставкаын участвовать карыны асьме районьсы 36 колхоз кандидатэн выдвинуть каремын, нош та колхоз'ес выставкалы ваньмыз уг дасясько, выставкаын участвовать карон право басытон понья ляб сюлмасько.

Вы тавкаын участвовать карыны тужгес ик умой дасясько Янгалиф" колхоз—зерновой культура, "Юж Пурга"—зерновой культура, "15 лег Удмуртия"—вань зерновой культураос'я, "Шор муч"—йыды культура, "Безбожник"—йыды куьтура, "9-й январь"—чабей культура, "Дружба народов"—сезы культура, "Кр-Бобья"—йыды но сезы культураос'я, "Кр-Заря"—вань зерновой культураос'я, "Каймашур"—клевер культура, "Кр-Октябрь"—зерновой культура, "Квадашур"—йыды культура,

"Зыль гурт" (К-Демьянской сельсовет)—етйнэн но "Луна"—сезы культура.

Та колхоз'еслэсь пример басытса, мукет колхоз'еслы но бере кылэно өвёл. Выставкалы тужгес ик умой дасяське "Янгалиф" колхоз, кудйэзлэн председателеныз луыса УАССР лэн Верховной Советэзлэн депутатэз, УАССР-лэн Верховной Советэзлэн Президиумезлэн членэз Г. Г. Деветияров эш ужа.

Озы ик асьме районьсы колхоз'ес но передовой стахановец'ес животноводствоя выставкаын участвовать карыны кандидатэ выдвинуть каремын. Мошкино колхозысь конюх Мошкин Илья, "1й май" колхозысь конюх Пивоваров Роман, "Дружный" колхозысь конюхез Плотников Илья, "Кр. Бобья" колхозысь свинарь Степанов, "Юж Пурга" колхозысь конюх Шутников но "Кр. Октябрь" колхозлэн ОТФез выставкаын участвовать карыны кандидатэ выдвинуть каремын.

Всесоюзной сельскохозяйственной выставкаын участвовать карыны праволы тачеес нормаос тупатэмын. Зерновой культураос'я кык ар куспын (1937—1938 ар'есын) шорлыдын вераса одйг гектар вылысь чабей—15 центнер, жег—17 центнер, йыды—16 центнер, сезы—16 центнер но клевер 3—центнер урожай басытыны кулэ.

Колхоз'ес кык ар чоже (1937—1938 ар'есын шорлыдын вераса) одйг гектар вылысь 3,5 центнер етйн мертчан басытыны, нош выльи урожайылэн звеноосыз 1938 арын (шорлыдын вераса) одйг гектарысь 8 центнер етйн мертчан басытыны.

Колесной тракторен одйг сезонлы 400 гектар гирыны, ЧТЗ тракторен—900 гектар.

Гектарысь 10 центнер ю тысь шедён дыр'я комбайнэн одйг сезонлы 500 гектар вылысь, 10—13 центнер ю тысь шедён дыр'я—400 гектар убраты карыны.

Колхозной фермаосын 2 ар чоже—1937—1938 ар'есын одйг фуражной скаллэсь 1600 литр йёл кысконо, нимаз дояркюс асьсэ борды прикрепить карем скалзылэсь 1938 арын 2100 литр йёл кыскыны.

СТФ-ын кык ар чоже—1937—1938 ар'есын (шорлыдын вераса) одйг свиноматкалэсь 14 деловой парсьпи бюджетыны, нош нимаз свинарнаослы асьсэ борды прикрепить карем свиноматкалэсь одйг ар чоже—1938 арын 15 деловой парсьпи бюджетыны.

Та выльи возматэм нормаос'я котыкуд колхоз Всесоюзной сельскохозяйственной выставкаын участвовать карыны право басытозы.

Ивортон

6 февралэ 1939 арын, 10 часын чукна, общей районной партийной собрание отиське.

Собраниян эскероно уж'ёс:

ВКП(б) райкомлэн отчетэз.

Собрание ВКП(б)-лэн вань чзен'есызылы но кандидат'есызылы од-о ик лыктоно.

ВКП(б) райкомлэн секретарез—БЕЧЕГОВ.

Контрольной обход мынэ

17 январьсен кутскыса 26 январозь асьме районлэн вань сэрэг'есаз населенилы Всесоюзной перепись ортчиз. Населенилы перепись ортчтыку асьме советской союзысь граждан'ес переписьлэн вань вопрос'есыз точной ответ сётылызы.

17 январь—вунэнтэм нунал, та нуналэ чукна 8 часын перпись бордын ужась инструктор—контролер'ес но счетчик'ес асьсэ уж бордазы кутскизы.

Районын перепись бордын ужазы 12 инструктор—контролер'ес, 45 счетчик'ес, та сяна 2 счетчик'ес больницаосын ужазы. Населенилы перепись бордын асьсэлэсь активностьсэс проявлять карызы счетчик'ес—В. Красноперов (Кечурской сельсовет), Перевощиков (Аксакшурской сельсовет) комсомолка М. Коростелева (Буденныйлэн нимазы нимам колхоз) но Зернов Кузьма ("Безбожник" колхозысь). Инструктор—контролер'ес Андреева (Кечурской сельсовет) Ильминский (П-Можга, Аксакшур). Семенов (Ильинск) но Михайлов (Гожня).

Выль верам инструктор-контролер'ес но счетчик'ес переписьлэсь техниказэ мур изучагы карыса, населени пöлын дугдылытэк массово-раз'яснительной уж нуыса переписез по-большевистски ортчтызы.

Та азинскем'есын чош ик тырмымтэ интыосты но вэратэк уг луы. Перепись орчтытон дыр'я ужыстызы куштэмын инструктор-контролер А. Юшков, счетчик'ес Ильин ("Юж Пурга"), Авдеев (Гожня). Выль верам мурт'ес партияно правительствоен возложить карем задачаез оз былэстэ, соос переписез куашкатыны туртыса, асьсэлэсь прямой обязанностьсэс юонэн воштызы. Инструктор Юшков таче ужез понна, судэ сётэмын.

26 январэ населенилы перепись быриз. Инструктор-контролер'ес 27 январэ чукна ик гурт'есысь сельсовет член'есты басытса, контрольной обход лэсьтон борды кутскизы. 27 январьсен 5 февралэз контрольной обход ортчоз. Граждан'ес, куд'есыз переписной лист вылэ оз сюрэ, сычсозылы одно ик переписной лист вылэ суроно.

В. Ф.

ВКП(б)-лэсь историзэ изучать карыськом

24 январэ жыт Ст-Моньинской сельсоветлэн активез ВКП(б)-лэсь историзэ изучать карыны кружок организовать карызы. Организовать карыку ик 12 мурт, соос пöлысь 2 нылкышноос участвовать карызы.

Кружок твердой расписание тупатиз, староста но редколлегия бырийзы. ВКП(б)-лэн историезлэсь 1 главаысьтыз 1 но 2 пункт'ессы изучать карыны кутскизы, татын Осокин эш лекция орчтыз.

Ваньмыз учасник'ес капчи мылкыдэн историез изучать кароме шуыса вазыськызы. Ф.

Читальняослэсь ужзэс умой пуктоно

Асьме егит калык'еслэсь запроссэс быдэстыны понна, клуб'еслэн, изба-читальняослэн но мукет культурной учреждениослэн ужзы выльи радэ пуктэмын луыны кулэ.

Тани вакчияк примерлы басытом М-Пургинской изба-читальнялэсь ужаны Кузнецова эш лэземын. Нош татысь ужез умой-умой эскероно ке, паймоно кады луэ, изба-читальняын егит калык пушкыны нокуче уж уг нуыськы соип, что Кузнецова эшлы ужаны умой условия кыдытэмын өвёл, татын керисин, пу но мукет'есыз өвёл, сельсоветлэн талы сметаез ваньке но, сельсоветлэн председателез Быков палыскыны турттэ. Нош Рано нуналмысь юрттэт сётон понна чик уг сюлмаськы.

Калистратов.

Тулысь ю кизёнлы дасясько

Ст-Моньинской сельсоветысь "Кр-бобья" колхоз мукет колхоз'ес сярысь азымыныса ужа. Кутсаськонзэ но кидыс кысьтонзэ 100 процентлы тырмытыз. Али кидысэз сортировать карон но етйн переработать каронэ ужась кужымзэ куштыз.

Государстволы сельхозмашинаос басытон понна хлебозакупе 50 центнер нянь вузазы но няньзэс 3-зерное нуллыса быдэстызы ни. Та матысь нунал'есы колхоз аран машина басытоз ни.

И. Федоров.

Переходящей знамяез басытим

М-Пургинской средней школазэн 6-ти "а" классаз дышеткысь пинал'ес, дышетскон ар кутыку урод дышетско вал, соослэн успеваемостьсы мукет класс'еслэсь улийн ветлэ вал. Ми дышеткысь'ес асьмелэн азямы сычэ задача пуктит, чтобы переходящей знамяез асьме классамы басытыны.

Асьмелэн азямы пуктэм ужмес классоводмылэн кивалтэмез'я милям классмы переходящей знамяез басытыз. милям классамы успеваемость 75 процент составлять каре. III-ти четвэрте успеваемостьез еще но вылье жугон понна, бере кылись дышеткысь'есмылы нуналмысь юрттэт сётон. Отлично дышетско М. Агеев, К. Баранова но мукет'есыз. Вань дышеткысь'еслы соослэсь пример басытса дышетсконо.

Агеев. Баранова.

„Янгалиф“ колхозлэн 1939 арын внутрен-ней распорядок'ёсызлэн правилоосыз

Артельлэн член'ёсызлэн обшой собраниеызы утвердить каремын 1939 арын 16 январе

(Кутсконэз 9 номерын).

Фермаын

1. Колхозлэн обшой собраниезлэн трудэз организовать каремезлэн соотвествиез'я вань пудоос фермаын ужасьёс борды юнматско.

2. Пудоосты утылтон инвентарьёс но кулэ луись инструмент'ёс животноводческой бригадаын ужасьёслы ведомостен соослэн личной подписенызы сёт'яске. Инвентарьёсты уже кутыны но сое шонер использовать каронэз фермаослэн заведующийёсы но нимысьтыз ужасьёс ответственность нуо.

3. Животноводческой бригадалэн палназ ужась мурт'ёс, куд'ёсыз соужен связываться кариськемын овёл, сыче мурт'ёс фермае фермалэн заведующиезлэн но колхоз правленилэн разрешениеныз гинэ дырыны быгато.

4. Производственной планэз дырыз-дыр'я быдэстон вылысь, животноводческой бригадаын ужасьёс чукна 4 часын асыэз ужасы лыкто.

5. 4 часысен 4 час но 30 минутозь животноводческой бригадаын ужасьёс ночной сторожлэсь асьсэлэсь ужан тирлыкэс принимать каро но соослэсь состояниэс тшательного проверить каро. Кыче ке ненормальностьсэ шедьтэм березы ик соос фермалэн заведующийезлы иворто, нош фермалэн заведующийез чик жегатскытэк умойтэм ужлэн состояниезлы умойтэм ужез устранить карыны конкретной указание сётэ.

6. 4 час но 30 минутысен кутскыса, 5 час но 30 минутозь кулэ луись сион'ёс дасяло, уборка ортыто, подстилка тыро.

7. 5 час но 30 минутысен кутскыса, 6 час но 30 минутозь дойка ортыто но кунян'ёсты люктало.

8. 6 час но 30 минутысен кутскыса, 7 час но 30 минутозь сучочной рационлэсь куниньметй люкетсэ сёт'яске, та бере ик ужасьёс асьсэ пудозылэсь сиёмзэс учкыса ветло, сионзэс быдтылэмзы бере люкталляны кутскыло.

9. 7 час но 30 минутысен 8 часозь посудаосты миськон ортыто

но йёлэз сепаратор пыр лэзэ.

10. 8 часысен 10 часозь животноводческой бригадаын ужасьёс фермаын ик завтракать каро.

11. 10 часысен 11 часозь пудоосты нуназе сюдыны понна сион дасяло.

12. 11 часысен 12 часозь помещениэс дополнительно чистить каро, кыедэз сузяло но пудоосты чистить каро.

13. 12 часысен 1 часозь нуназе скал'ёсты кыско но кунян'ёсты йёлын люктан ортыто.

14. 1 часысен 2 часозь нуназе сион нормаэс сёт'яло но пудоосты люктан ортыто.

15. 2 часысен 4 часозь пудоосты прогулкае или возьманы нуо, кезьыт дыр'я, если кукэ 20 градус кезьыт, сыче дыр'я прогулкаын 1 час гинэ возиське, та дыр'я фермаын ужасьёс сииськыны берго.

16. Жыт 4 часысен 5 часозь жытазе сион сёт'яны кормаос дасяло.

17. Жыт 5 часысен 6 часозь скал'ёсты кыско но йёл нонись кунян'ёсты люкталляло.

18. Жытазе 6 часысен 7 часозь пудоосты сюдо но люкталляло. Уйлы грубой сион сёт'ян но чистка ортыто, подстилка дасяло.

19. 7 часысен 7 час но 30 минутозь ночной сторож пудоосты, инвентарьёсты но животноводческой бригадаын ужасьёслэсь помещейзэс принимать каре.

20. Скал'ёс кунян вайыку ночной сторож вёзы животноводческой бригадаысь дополнительно одит мурт вис'яске на, та ужез колхозлэн правлениез нуэ.

21. Та данной распорядка дняез эскерыны колхозлэн правлениез но тужгес ик фермалэн заведующийез вылэ ответственность возлагаться кариське.

22. Куд'ёсыз колхозник'ёс та данной распорядок дняез нарушать карыны вырзы, сыче мурт'ёс колхозлэн обшой собраниезлэн распорядок дняезлэн соответствиэз'я взысканилы подвергаться кариськызы.

Асьсэ кустын

Ленинлэн нимыныз нимама колхозлэн правлениезлэн член'ёсыз колхозэ ваем товар'ёсыз асьсэ понна гинэ люкыло. Кемалась ик овёл М-Пурга сельпосы 32 литр етйн вёй ваизы, нош та етйн вёйез колхозник'ёслы люкылытэк асьсэ понназы гинэ люкылызы.

Колхозэ басма ваизы, каждой колхозник'ёслы быдэн 4 метрен люкылызы, учетчик Баушев аслыз 12 метр кельтйз. Баушев колхозник'ёслэсь ужам трудовеньсэс стенной табелязы сураса гож'я, тросэз трудовеньсэ гож'яскытэк кылэ. **О. В.**

Дышетыны кутскизы

Неграмотнойёсты но малограмотнойёсты туэ грамотноен выпустить карыса быдтон вылысь, котькуд колхоз председателы но ликвидаторлы бадзым ответственность возлагаться кариське.

Куд-ог колхоз'ёслэн председателёссы но ликвидатор'ёссы та ужез пыр-поч валаса

азинскон сюрес вылэ вамыштыны кутскизы. М-Пургинской сельсоветысь „Дружный“ колхозлэн ликвидаторез Лебедев дышетон бордын умой ужа. Дышетскисьёс ветло, нош нылпио кышномурт'ёсты дышетыны дышеткись пинал'ёс юнмат'ямын.

Ильин.

Таچه руководствоен ужанлы пум пононо

Районысь азымыныса ужась колхоз'ёс годовой финансовой планэс досрочно быдэстызы. Умой ужасы „Кр-Столярово“, Стахановлэн нимыныз нимама колхоз, Пастухово, „Луна“, „1-й май“ но тросэс мукет'ёсыз колхоз'ёс финансовой планэс (заемез но вераса) 100 процентлы быдэстызы. Вылы верам колхоз'ёслэн опыты но методзы вылын ужан Райфонсь работник'ёс ласянь вунэтэмын.

Годовой, озы ик IV кварталэсь финансовой планэз быдэстонэн тужгес ик ляб ужасы—Кечурской, Аксакшурской но Ср-Кечурской сельсовет'ёс. Район'я годовой, сельхозналоглэн планэз 85 процентлы но самообложение—64,8 процентлы гинэ быдэстэмын. Кечурской сельсовет самообложенилэсь планэз 10 процентлы гинэ быдэстыз. Финсекция Мухачев финансовой дисциплинаез куашкатйз, финуполномоченнойёсын туж ожит пол собраниос ортыт'яз, ортыт'якуз но нокыче ик конкретной указаниос оз сёт'я.

Аксакшурской сельсовет самообложенилэсь планэз 14 но сельхозналогез—61 процентлы гинэ быдэстыз, сельсоветлэн налоговой агентэз Леонтьев 1300 манет расстрата лэсьтыз, та коньдонэныз со

аслыз велосипед но кык пальто басыыз. Кечурской сельсоветысь „Красный май“ колхозлэн председателез Давкова Райфонсь ужасьёс собрание ортытыны лыктыкузы, собрание юри уг люка вал, финансовой планэз быдэстон мынам уже овёл шуса, соослы вакчиак ответ сёт'яз, сион аслэсьтыз ужзэ быдтэ вал.

Райфолэн заведующиез Мерзляков аслаз ужасьёсыныз конкретно руководить уг кары, расстрата лэсьтэм мурт'ёслэсь коньдон взыскать карымтэ на, районын таце факт'ёс туж трос, факт'ёс иныяз ик обсуждаться кариськытэк Мерзляковлэн палэнтйз кылэ.

Кечурской сельсоветын налоговой агент луыса А. Павлов эш ужаз, со кык толэзь ужатозяз 800 манет расстрата лэсьтыз. Павлов „Красный яр“ колхозын колхозлэн председателеныз ужакүз трудовой дисциплинаез куашкатйз. Павлов аслэсьтыз урод руководить каремзэ шёдыса колхозысь кошкыз.

Райфо кадр'ёс подбирать каронлы преступно относиться кариськыз, подбирать карем кадр'ёс финансовой планэз тырмытон понна оз скюлмаське.

25 январысен 1-тй мартозь райклубын луись лекциослы но доклад'ёслы

ПЛАН

№ п-п	ТЕМА ОС	Ку луоз	Доклад яке лекция лэсьтысьёс.
1.	Кызы самостоятельно ужано книга бордын.	27 январе жыт 6 часын	Кирикова
2.	Разведка но контрразведка	1 феврале жыт 6 часын	Фонарев
3.	„Что делать“ Ленинлэн ужез.	11 феврале жыт 6 часын	Фонарев
4.	СССР-лэн климатэз	28 январе жыт 6 часын	Красноперов
5.	Кызы лэсьтоно план, тезис но конспект	25 феврале	Шешняев
6.	Асьмелэн Красной Армины но военно-морской флотмы	22 феврале	Муравьев
7.	17 веке крестьянской войнаос но угнетенной калыклэн восстанизы	17 феврале	Смирнов
8.	СССР-лэн рельефез	3 феврале жыт 6 часын	Пислегина
9.	Страто-сфера	14 феврале жыт 6 часын	Майляров

Ответственность улэ кысконо

Ст-Моньинской сельсоветлэн председателез Егоров дортэм урод уж'ёс лэсьтыса ужа. Ст-Буро жикья гуртысь единоличник Николаев Степанлэсь государственлы тыронзэ тырымтэ понназ валзэ кыскизы, та уж ортычиз 19 октябре 1938 арын.

Солэсь валзэ кысконо нунал, вал „9-й январь“ колхозлэн конной двораз кблйз, вал дун'ямын вал 180 манетэн, 20 октябре чукна 6 часын Егоров валзэ вандэм но солэсь сйльзэ 4 пайлы люкыллям. Сельсоветлэн налоговой агентэз Кузьмин, „9-й январь“ колхозлэн счетоводэз И. Федоров, Егоров но Т. Федорова.

Валзэ вандыны врачлэн нокыче разрешениез ой вал, нош Егоров лушкемен ас понназ валзэ вандйз.

Сельсоветлэн председателезлы таце уж лэсьтыны возыт луыны кулэ вал.

Марнов.

90 процентлы тырмытйз

Гожня сельсоветысь „Кай-машур“ колхоз 1938 арын культсборлэсь планэз 90 процентлы тырмытйз, та колхозлэсь мукет колхоз'ёслы но пример басытоно.

Поликарпов.

Редактор Г. М.—ИВАНОВ.
Поттйсь РАИСПОЛКОМ